



UNIVERSITÄTS-
BIBLIOTHEK
PADERBORN

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 10. De Indulgentiis, concessis primo Ordini Fratrum Minorum à Paulo
V. & aliis Religiosis, quas etiam extendit ad Moniales.

[urn:nbn:de:hbz:466:1-64103](https://nbn-resolving.org/urn:nbn:de:hbz:466:1-64103)

nus mundum universum effrænem in vitia ruere, & in peccatis emarcescere, arreptâ furoris sagittâ eum in cineres redigere voluit) crucifixus filius ejus, Redemptor noster, vulnera sua, nostræ salutis insignia, Patri devotissimè ostendens petierit Ordinem in orbe sibi concedi, qui etiam ad aliorum salutem Crucis memoriam in mundo renovaret, & eum in finem tam diu, tamque obnixè in oratione perseveraverit, donec ad hoc ipsum ab amantissimo Patre suo Ordo Minorum benignissimè sit concessus, qui Satanam cum suis elideret, vacillantem Ecclesiam à ruina defenderet, & orbem universum à fulmine præservaret, uti constat ex famosa illa S. Domini visione, de mundo jam jam ob peccata destruendo, sed ab Immaculata Deipara meritis & laboribus S. P. Domini & S. P. N. FRANCISCI præservato. *S. Antoninus 3. p. tit. 24. c. 7. §. 3. apud Wadingum.*

CAPUT IV.

De Indulgentiis concessis primo Ordini FF. Minorum.

X. **I**ndulgentiæ concessæ Regularibus, & Religiosis à Paulo V. in Bulla; *Romanus Pontifex. Data Roma apud S. Petrum die 23. Maii. 1606.* (per quam aliæ Indulgentiæ quibuscunque Religiosis & Regularibus concessæ revocantur) sunt sequentes;

1^{mo}. Omnibus Christi fidelibus, qui Habitum Regularem susceperint, die primo ingressûs in ipsam Religionem (si verè pœnitentes & confessi sanctissimum Eucharistiæ Sacramentum sumpserint) plenaria conceditur.

2^{do}. Cuilibet Novitio, qui pœnitens & confessus, ac S. Communionem refectus, post

completum probationis annum, Professionem emisit.

3^{to}. Cuilibet Religioso intrâ claustra sui Monasterii viventi, qui in Festo Principali sui Ordinis confessus, ac S. Communionem refectus pius ad Deum preces effuderit pro Ecclesiæ exaltatione; conceditur plenaria.

4^{to}. In cujuslibet verò mortis articulo, si pariter verè pœnitens, & confessus, ac S. Communionem refectus, vel (quatenus id facere nequiverit) saltem contritus, nomen JESU ore, si potuerit, secus autem: corde devote invocaverit, Plenaria.

5^{to}. Qui primam Missam celebrabit; nec non iis, qui pariter confessi, ac S. Communionem refecti eidem Missæ interfuerint, vel ipso die Missam celebrant. Plenaria.

6^{to}. Illis, qui de Superiorum licentia à negotiis per decem dies alieni, in sua cella commorabuntur, aut ab aliorum conversatione separati, saltem per duas horas in diem & noctem orationibus mentalibus sese exercent, faciendo eodem tempore Confessionem generalem, annualem, vel ordinariam, S. Eucharistiam sumpserint, aut Missam celebraverint; plenaria conceditur. Quoties pro quolibet prædictorum exercitiorum id egerint.

7^{mo}. Idem Religiosi intrâ claustra viventes, qui suam Ecclesiam devotè visitaverint, & oraverint; consequuntur eandem Indulgentiam, quam visitantes Ecclesias Urbis. Et extra eam diebus stationum consequuntur omnibus diebus, perinde ac si Ecclesias Urbis personaliter visitarent.

8^{vo}. Item omnibus Religiosis intrâ claustra viventibus, qui quinquies Orationem Dominicam, & toties Salutationem Angelicam ante Altare Ecclesiæ suæ quolibet die oraverint; 5. annorum, & totidem Quadragenarum Indulgentia conceditur. Ut & iis

qui

VINEA SERAPHICA

8
qui extra claustra degentes ante quodlibet Altare similiter dixerint.

9^{mo}. Religiosi, qui per mensem integrum singulis diebus spatio mediæ horæ orationem mentalem fecerint; ac Confessione & S. Communionem ultimâ Dominicâ mensis hujusmodi resecti fuerint: 60. annorum & totidem Quadragenarum Indulgentiam lucrantur.

10^{mo}. Qui verò contrito corde, & pœnitentes, culpas, peccata, ac imperfectiones suas in Capitulis culparum accusabunt, & spiritualiter communicabunt, ac Exercitium virtutum facient, 3. annos, & tot quadragenas lucrantur.

11^{mo}. Quotiescunque de licentia summi Pontificis, vel suorum Superiorum in ditiones & terras infidelium, aut hæreticorum, ad concionandum, Catholicos docendos, vel infideles & hæreticos convertendos Religiosi missi fuerint; si pœnitentes & confessi, ac S. Communionem resecti fuerint, ut melius ad hoc opus se preparare valeant, pro duabus vicibus, videlicet: quando itineri se accingent; & quando in Provinciam (ubi dicta opera exercenda) ingressi fuerint: Plenariam Indulgentiam consequuntur.

12^{mo}. Insuper; cum Superior in visitationibus generalibus, Orationes 40. horarum, pro bono visitationis progressu, collocare voluerit, iis Religiosis, qui dictis Orationibus saltem spatio duarum horarum diuerso tempore interfuerint, & pro Regularis Observantiæ augmento oraverint, si confessi, & S. Communionem resecti fuerint; Plenaria Indulgentia conceditur. Has Indulgentias in eadem Bulla extendit summus Pontifex ad omnes Moniales. Et confirmat Gregor. XV. *Injuncti nobis. Tertio Non. Junii 1621.*

Ceterum omnes & singulas quascunque Indulgentias, quibuscunque personis Regu-

laribus olim concessas revocat, cassat, & annullat.

Et Papa ALEXANDER VII. die 18. Martii 1666. damnauit hanc propositionem: *Indulgentia concessa Regularibus, & revocata à PAULO V. hodie sunt revalidata.*

Cum tamen Paulus V. dicat, à se revocari Indulgentias, quibuscunque Ordinibus, & Institutis Regularibus, etiam Mendicantibus, & quibuscunque personis Regularibus concessas; sequitur, eas duntaxat revocatas, quæ directè & principaliter concessæ sunt ipsis Regularibus personis quarumcunque Religionum, & Ordinum, etiam Mendicantium, non verò eas Regularium Ecclesias visitantibus datas. Ita declaravit S. Congreg. Card. Indulg. præposita ab eodem Paulo V. deputata, ipsæque Paulus V. approbavit, uti & S. Congregatio. 7. Sept. 1607. apud *Vivam. in Append. Indulg. fol. 86. Vid. Mattheicum C. 26. Official. quoad Indulg. Nicol. fosculo 5. Indulg. n. 6.* Et in tali forma rescripsit S. Congregatio resolutionem Archi-Episcopo Bononiensi.

XI. Nec revocantur Indulgentiæ concessæ personis de III. Ordine, nam proposito dubio S. Congregationi Indulg. & examinato; an in generali revocatione Indulgentiarum Pauli V. comprehenderentur personæ substantialia Religionis vota non emittentes, intra vel extra claustra degentes? Respondit S. Congregatio, eas minimè comprehendi. Et responsio est confirmata ab *Innoc. XI. constit. Alias. 10. Octob. 1686. Directorium P. Diatz. Artic. 5. Constit. 1. quare vide inf.*

Nec dicendum est, revocari Indulgentias promiscuè datas Regularibus, & Sæcularibus; uti, cum in litteris Brevis Apostolici apponitur clausula illimitata, *V. G. Univerſis Christi fidelibus. Vel omnibus utriusque sexus*